

IBARRETXE

Alderdiekin bilduko da Gobernuaren eraketarako

Juan Jose Ibarretxe jarduneko lehendakaria alderdi guztiekin bilduko da, banan-bana, Jaurilaritzaren eraketari buruzko irizpideak aztertzeko. Ajuria Eneko iturrietatik jakinarazi dute lehenengo IUREkin bilduko dela, gero EH, PSE eta PPrekin, eta EAJ-EARekin azkenik. Lehen hartu-emana aste honetan bertan izango da, Ibarretxe Dormundik (Alemania) itzuli eta gero.

ESANAK

BEGOÑA ERRAZTI

(EAKo lehendakaria)

«Gatazka politikoa behin betirako konpontzea gertuago dago orain»

JOSEBA EGIBAR

(EBBko bozeramailea)

«Gizarteak EHri eskatu dio giltza ETari itzuli eta 1998ko iraileko zerrailan sartzeko»

XABIER ARZALLUZ

(EBBko lehendakaria)

«Alderdien foroa nahi dugu, Irlandan bezala»

dugun», esan zuen. Hala ere, onartu zuen bakarrik gobernatzeko aukerak ere badaudela. EAJ-EAk 33 parlamentari izango ditu, PPk eta PSEk bilduta baino bat gehiago.

Íñaki Anasagasti diputatuak esan zuen gobernu «sendoa eta indartsua» nahi duela, bere alderdiak «biolentziari irtenbidea emateko gauza» izan behar dena. Hala ere, lehenago alderdiekin hitz egitearen alde azaldu zen. «IUK esan du IU-PSOE-EAJ formula nahi duela, baina guk ez dakigu PSOEk zer pentsatzen duen, ezta ere PPrekin dituen konpromisoak», esan zuen diputatu jeltzaleak.

Juan Maria Atutxa Bizkaiko zerrendaburuak, bestalde, azpimarratu du EHk izan duen galea. Geroari begira esan zuen egoera hitz eginda konpondu behar dela, baina elkarriketa prozesu horretatik ezker abertzalea baztertu zuen. «EH kenduta beste guztion artean hitz egin behar dugu», esan zuen Ser irratian.

Jaurilaritza eratze formula egokiena «sentsibilitate ezberdinak» bilduko dituen izango dela uste du Atutxak, hau da, abertzaleak eta ez abertzaleak elkarrekin gobernatzea nahi du.



ALFREDO ALDAI / EFE

Jesus Egiguren, Jose Maria Benegas eta Nicolas Redondo, PSE-EEren batzorde eragilearen bileran.

Oposizioan jarraitzeko asmoa agertu du PSE-EEK

Garaipena «zuhurtasunez» kudeatzeko eskatu diote EAJ-EA koalizio abertzaleari

Joseba Arruti | BILBO

PSE-EEren batzorde eragilea Bilbon bildu zen atzo, hauteskondeen emaitzak aztertzeko asmoz, eta Eusko Legebiltzar berrian oposizioan jarraitzeko hautua egin zuen, aho batez.

Batzorde eragileko kide Rodolfo Aresek eta Jesus Egigu-

renek azaldu zuten, «euskar hiritarrek erabaki dute PSE-EE oposizioan egotea eta bertatik lan egitea dagokigu, etorkizunean nazionalisten aurrean alternatiba izateko».

Izan ere, EAJ-EARekiko «proiektu ezberdina» dutela nabarmendu zuten sozialistek, eta beraz «ez du zentzurik

Eusko Jaurilaritzan elkarrekin egoteak».

Garaipena «zuhurtasunez eta azkar» kudeatzeko eskatu zion EAJ-EAri Aresek, baina «lortutako emaitza bikainekin», zalantzan jarri zuen «norabidea» aldatuko dutenik.

«Mundua ez da maiatzaren 13an amaitzen», esan zuen Egigurenek, «eta gure emaitzak aurreikusten genituenak ez badira ere, hauteskundeotako polarizazioa aintzat hartuta, ontzat jotzen ditugu».

EAJ-EA eta PSE-EErekin batera osatutako Jaurilaritza baten alde agertu da EB-IU

J. Arruti | BILBO

EB-IUko koordinatzaile nagusi Javier Madrazo EAJ-EARekin eta PSE-EErekin batera osatutako Eusko Jaurilaritza baten alde agertu zen atzo, «hori baita Euskadirentzako aukerarik onena». IUko koordinatzaile Gaspar Llamazaresek ere koalizio formula horren alde jo zuen, eta baztertu egin zuen beste edozein formulatan parte hartzeko aukera.

EB-IUko arduradunak pren-

tsaurrekoan azaldu ziren hauteskundeek utzitako panorama politikoaren inguruko hausnarketa publikoa egiteko, eta Jaurilaritza osatzeko balizko negoziazio batean Juan Jose Ibarretxe lehendakariari «txeke zuririk» emango ez diotela nabarmendu zuten.

Madrazoren iritziz, EAEk «gobernu zabal bat behar du, nazionalistek eta nazionalista ez direnek osatutakoa». «Aurrerantzean etapa politiko berri bat ireki behar da», azpimarratu zuen EB-IUko koordina-

tzaileak, «eta bere ezaugarria alderdi politikoen arteko elkar ulertzea eta adostasuna izan behar da».

Hauteskundeetako emaitzen balorazioa egiterakoan, zera nabarmendu zuen Javier Madrazok: «Euskal gizarteak argi eta garbi hitz egin du eta ezetz esan dio ETari, ezetz indarkeriari eta, PPk eta PSE-EEK bultzatutako estrategia horretan, ezetz inkomunikazioari, ezetz sumindurari eta gatazkari».

EAEko sozialisten emaitzen

JESUS EGIGUREN

PSE-EEKo idazkariorde nagusia

«EAJ-EARekiko proiektu ezberdina dugu, eta ez du zentzurik elkarrekin Jaurilaritzan egoteak»

J. L. RGUEZ. ZAPATERO

PSOEko idazkari nagusia

«Gasteizko eta Madrilgo gobernuak berehala berreskuratu behar dute harreman instituzionala»

PSE-EEK hausnarketa egingo du alderdiaren estrategia- ren eta emaitzen inguruan, baina zuzen aritu direla uste dute: «Egin behar genuena egin dugu», esan zuten Aresek eta Egigurenek. PPren eta PSE-EEren eskaintzan huts egin duena lehenaren «estrategia» izan dela esan zuten.

PSE-EEren irudiko, legegintzaldi berriko erronketako bat «alderdi demokratikoen batasuna» lortzea izango da: «Ibarretxe lehendakariari dagokio batasun hori lortzeko ekimena abiatzea, eta egungo joko arauetiko errespetuaren inguruan osatu beharko da».

Batasun hori «beharrezkoa» jo zuten «ETA garaitzeko». EHren beherakadak ere garaien horretan lagunduko duela iritzi zioten. Ildo horretatik, PPrekin sinatutako estatu itunari «eusteko» asmoa agertu zuten Aresek eta Egigurenek.

Zapateroren eskaria

Gasteizko eta Madrilgo gobernuak «berehala» harreman instituzionala berreskuratzeko eskatu zion atzo Jose Luis Rodriguez Zapatero PSOEko idazkari nagusiak, eta PSE-EE Jaurilaritzan sartzeko «baldintza objektiborik» ez dagoela erantsi zuen. Halaber, Gasteizen «oposizio arduratsu eta baliagarria» egingo dutela iragarri zuen, «bloke edo balazta politikarik egin gabe».

ondorioz, PSE-EEK «hausnarketa» egin behar duela iritzi zion EB-IUko kideak, eta «ezkerrarekin bat egiteko» eskatu zion, «eskumaren eskutik ibili beharrean».

Euskal Herriarrok taldeak hauteskundeetan jasandako beherakada «ikusgarria» izan dela adierazi zuen Madrazok.

ETAk euskal gizartearen behin eta berriro «mespretxatzen» duela iritzi ostean, «baldintzarik gabeko eta behin betiko su-etena aldarrikatzeko» eskatu zion erakunde horri. Modu horretan alderdi politiko guztien arteko elkarriketa ahalbidetuko dela eta bake bidea zabalduko dela esan zuen.